

## Á Mesa do Parlamento

**O Grupo Parlamentar do Bloque Nacionalista Galego (BNG), ao abeiro do disposto no artigo 112 do Regulamento da Cámara, apresenta a seguinte **emenda á totalidade, de devolución, da Sección 13, Conselleria do Medio Rural, dos Orzamentos Xerais da Comunidade Autónoma para o ano 2012**, polas seguintes razóns:**

O orzamento da Consellaría do Medio Rural para 2012 redúcese en termos globais en 424.532 €, cantidade que non fai máis que consolidar os tremendos recortes, de 136.389.372 euros, operados nos orzamentos de 2011, sendo especialmente salientábel que non se fai ningún esforzo especial por aplicar estes recortes nos gastos correntes, todo o contrario, o incremento do 5,49% que se produce nas transferencias de capital, faise a costa dun descenso dun 7,76% nos investimentos reais, producíndose pois un transvase entre os gastos de capital que non melloran o peso destes no global do orzamento nin produce un descenso do peso dos gastos correntes.

Máis é especialmente significativo que os programas que mellor responden aos que, a xuízo deste grupo parlamentar, deberan ser os obxectivos centrais desta Consellaría para facer un uso anticíclico do orzamento. nunha situación de crise como a que estamos a vivir, sofren recortes en moitos casos moi significativos.

Así podemos salientar como programas, como o 741A, que ten por obxecto a modernización, internacionalización e mellora da competitividade das explotacións, descende nun 13,19%, que se traducen en máis de 2,5 millóns de euros menos que o exercicio anterior ou o programa 712B de modernización e diversificación do tecido

produtivo rural con 6, 37 millóns de euros menos (o que representa un 8,2% respecto do anterior exercicio). Esta situación, que redunda en recortes xa realizados nestes mesmos programas en anos anteriores, é especialmente grave xa que, ademais de evidenciar a nula vontade de apoio ao sector produtivo e á súa capacidade para xerar emprego e riqueza, evidencia a incapacidade de xestión do goberno xa que estes programas están cofinanciados co FEADER que xa están comprometidos e á disposición da Xunta de Galiza.


Neste proxecto de lei certifícase o mantemento dunha política de loita contra os incendios forestais baseada exclusivamente na extinción, aínda que sen as mesmas garantías orzamentarias xa que mesmo se reduce o dispositivo de extinción, paralizando o seu proceso de modernización emprendido nos últimos anos, e arrombando a política de prevención, ao restarlle fondos a liñas de acción que pretendían pór o acento en evitar o risco de incendio.

Novamente constátase unha paralización de cambios estruturais vinculados coa fragmentación da propiedade e coa súa reordenación como é o impulso do Banco de Terras, á reordenación da propiedade e do espazo forestal e a continuación das concentracións parcelarias, reducindo nada menos que outros 6,3 millóns de euros ás actuacións de infraestruturas e equipamentos no medio rural, que sen dúbida vai consolidar a nulidade de actuacións que neste ámbito se ven desenvolvendo nos últimos anos.

Estamos pois ante un orzamento que non permite o cumprimento dos obxectivos que dan razón de ser á Consellaría do Medio Rural xa que renuncia a actuar para modernizar e diversificar o noso tecido produtivo no sector primario e no medio rural; non contribúe, máis ben ao contrario, a mellorar a competitividade e rendibilidade



**PARLAMENTO DE GALICIA**  
**REXISTRO XERAL ENTRADA**  
**Data asento: 08/11/2011 16:30**  
**Nº Rexistro: 73413**  
Data envio: 08/11/2011 16:23:28.629

  
OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.es  
15702 Santiago de Compostela  
Galiza

das explotacións agrogandeiras e a renda dos e das produtoras e supoñen unha renuncia expresa a acometer os cambios estruturais que constitúen unha ameaza para o futuro do rural na nosa nación e a levar a cabo actuacións encamiñadas a igualar as condicións de vida da cidadanía do rural coas do resto de Galiza.

Santiago de Compostela, 8 de Novembro de 2011.

Asdo.: Carlos Aymerich Cano  
Portavoz do G.P. do BNG.

**Asinado dixitalmente por:**

**Carlos Ignacio Aymerich Cano na data 08/11/2011 13:05:30**